

R.R. de 18 de novembro de 2021, pola que se establecen as bases reguladoras da convocatoria de axudas destinadas ao alumnado da Universidade de Vigo que ten adxudicada unha praza no marco da convocatoria de Prazas de Intercambio Propias en países extracomunitarios e GE4 no curso 2021-2022

A Universidade de Vigo ten asinado convenios de colaboración con universidades en países extracomunitarios. O 4 de decembro de 2020 a Universidade de Vigo publicou a convocatoria de prazas de intercambio ofertando as prazas dispoñibles no marco desde convenios de colaboración.

Por outra banda, a Universidade de Vigo, como institución participante na rede GE4, publicou unha convocatoria o 24 de novembro de 2020 para seleccionar a estudiantado para realizar unha mobilidade internacional nalgunha das institucións participantes na rede.

No momento da publicación destas dúas convocatorias, os presupostos para o ano 2021 da Universidade de Vigo non estaban aprobados. No orzamento aprobado inclúese unha dotación para bolsas de mobilidade.

É polo que, vista a Lei 9/2007 de Subvencións de Galicia, as disposicións aplicables da Lei 38/2003, do 17 de novembro, Xeral de Subvencións e as súas normativas de desenvolvemento, en virtude das facultades que lle outorgan a Lei Orgánica 6/2001, de 21 de decembro, modificada pola Lei 4/2007, de 12 de abril, de Universidades e o artigo 72 do Decreto 13/2019, do 24 de xaneiro, polo que se aprobaron os estatutos desta universidade, esta reitoría

RESOLVE :

1. Convocar bolsas en réxime de concorrencia competitiva destinadas ao estudiantado seleccionado no marco das convocatorias de Prazas de Intercambio Propias en países extracomunitarios, publicada o 4 de decembro de 2020 e do programa GE4, publicada o 24 de novembro de 2020, para realizar estadias en institucións de ensino superior durante o curso 2021-22.
2. Ordenar a publicación desta convocatoria e as bases que a regulan no rexistro xeral, nos rexistros auxiliares e no [Portal de bolsas \(https://www.uvigo.gal/estudar/xestions-estudantes/bolsas\)](https://www.uvigo.gal/estudar/xestions-estudantes/bolsas) da web da Universidade de Vigo.
3. A este procedemento aplicáraselle a tramitación de urxencia, pola cal se reducirán á metade os prazos establecidos para o procedemento ordinario, salvo os relativos á presentación de solicitudes e recursos, a efectos de poder realizar os pagos en decembro de 2021 con cargo ao orzamento de 2021.

Contra esta resolución, que esgota a vía administrativa, poderase interpoñer recurso perante a xurisdición contencioso-administrativa, no prazo de dous meses contados dende o día seguinte á súa publicación, de conformidade co disposto na *Lei 29/1998 do 13 de xullo, reguladora da xurisdición contencioso-administrativa*.



Así e todo, as persoas interesadas poderán optar por interpoñer un recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso, non caberá interpoñer o recurso contencioso-administrativo namentres non recaia resolución expresa ou presunta do recurso de reposición, de acordo co disposto na *Lei 39/2015, de 1 de outubro, do procedemento administrativo común das administracións públicas*.

O REITOR

Por Delegación (R.R. do 26/05/2020)

DOG 04/06/2020

A vicerreitora de Responsabilidade Social, Internacionalización
e Cooperación

Esta resolución está asinada dixitalmente por

María Isabel Doval Ruiz



ANEXO I

**BASES QUE REGULAN A CONVOCATORIA DE AXUDAS PROPIAS DA UNIVERSIDADES DE VIGO
DESTINADA AO ESTUDANTADO SELECCIONADO NO MARCO DAS CONVOCATORIAS DE PRAZAS DE
INTERCAMBIO PROPIAS EN PAÍSES EXTRACOMUNITARIOS E DO PROGRAMA GE
CURSO 2021-22****1. Obxecto.**

A finalidade da bolsa é contribuír a financiar o custo da estadía na universidade de destino do alumnado no marco da convocatoria de Prazas de Intercambio Propias en países extracomunitarios e do GE4, curso 2021-22, garantindo que o alumnado con escasos recursos económicos poida acceder aos programas de intercambio académico.

As bolsas repartiranse do seguinte xeito: 17 bolsas para os programas de Prazas Propias e GE4:

1 bolsa de 1.500 € destinada ao/á estudante coa nota media ponderada máis alta.

16 bolsas de 1.000 euros por orde de nota media ponderada.

2. Requisitos

- Estar matriculado/a no curso 2021-22 en titulacións da Universidade de Vigo.
- Ter adxudicada praza no programa de Prazas Propias concedida por R.R. de 3 de marzo de 2021 ou no programa GE4 concedida por R.R. de 3 de marzo de 2021, para realizar unha mobilidade internacional no curso 2021-22.

3. Presentación de solicitudes

As persoas candidatas deberán cubrir o formulario de solicitude, **2021/22 Axudas Prazas Propias e Ge4 SOLICITUDE**, descargalo e asinalo dixitalmente e presentalo na sede electrónica da Universidade de Vigo (<https://sede.uvigo.gal>) a través da Instancia Xenérica (SXER) existente na sede, poñendo en **asunto** “*axudas bolsas propias/ge4 2021-22*”

En caso de precisar apoio de tipo técnico durante o proceso de presentación dos formularios poderán dirixirse ao enderezo electrónico sede@uvigo.gal

Só se aceptarán solicitudes presentadas a través da sede electrónica no prazo establecido, tal e como se indica nos parágrafos precedentes.

Para presentar a solicitude a través da sede electrónica admitiranse os seguintes sistemas de autenticación:

- Certificado dixital ou DNI electrónico
- Chave PIN
- Chave Permanente

Se, de xeito excepcional, algunha das persoas interesadas non dispón dos medios electrónicos necesarios para a súa identificación na sede electrónica, a súa identificación ou sinatura electrónica poderá ser realizada por un funcionario público mediante o uso do sistema de sinatura electrónica do



que estea dotado para este fin. (artigo 12 da Lei 39/2015, do 1 de outubro, do procedemento administrativo común das Administracións Públicas.)

O alumnado deberá facilitar na solicitude de participación o enderezo de correo electrónico co dominio alumnos.uvigo.es. A comunicación entre a ORI e as persoas participantes realizarase sempre a través deste enderezo de correo electrónico.

O prazo de presentación de solicitudes comezará o día seguinte ao da publicación desta convocatoria e remata o **1 de decembro de 2021** ás 23:59 (hora peninsular española).

4. Procedemento de selección

A ORI, rematado o prazo de presentación de solicitudes, e unha vez examinadas estas e a documentación presentada, publicará a listaxe provisional de solicitudes admitidas a trámite e excluídas, sinalando os motivos de exclusión.

As persoas interesadas disporán dun prazo de cinco días hábiles, contados a partir da publicación para emendar os erros e a falta de documentación, presentando as alegacións a través da sede electrónica da UVIGO (<https://sede.uvigo.gal>) polo procedemento **Convocatoria Axudas Prazas Propias e GE4 2021-2022**, mediante a instancia xenérica (SXER) dirixida á ORI.

Revisadas as alegacións publicaranse as listaxes definitivas de solicitudes admitidas a trámite e excluídas.

A Comisión de selección está composta por:

Presidenta: Amelia Rodríguez Piña, Directora Técnica da ORI
Secretaria: Rebeca Cofán Pereiras, Xefa de negociación da ORI
Vogal: M^a Teresa Arce Aramendi, Xefa de área da ORI

A selección realízase aplicando os seguintes criterios, ata o esgotamento do crédito orzamentario:

Concederanse ao estudantado por orde de nota media ponderada a 31 de xullo de 2021.

Para a ponderación, no caso de estudos realizados en universidades españolas, terase en conta a nota media que, de acordo cos datos da Clasificación Internacional Normalizada da Educación (ISCED), corresponda á súa titulación na universidade na que a cursou: <https://www.educacionyfp.gob.es/dam/jcr:50f08421-32b4-4609-8b23-44277340cce8/nm%20isced%20general%20y%20universidad%20fpu%202019.pdf>

Para os estudos realizados no estranxeiro, a ponderación realizarase tendo en conta as notas medias ISCED para estudos estranxeiros:

<https://www.educacionyfp.gob.es/dam/jcr:4b0706b6-eb50-44dd-89e4-af44f3c562e4/nm%20isced%20general%20y%20universidad%20estudios%20extranjeros%20fpu%202019.pdf>

Efectuada a selección pola comisión, publicarase a listaxe provisional de persoas candidatas seleccionadas e a listaxe de agarda, de ser o caso.



As persoas interesadas disporán dun prazo de **cinco días hábiles** para presentar alegacións a través da sede electrónica da UVIGO (<https://sede.uvigo.gal>) mediante a instancia xenérica (SXER) dirixida á Oficina de Relacións Internacionais, contados a partir do día seguinte ao da publicación desta resolución.

Analizadas as alegacións por parte da comisión esta elevará a proposta de resolución definitiva de persoas candidatas seleccionadas e en listaxe de agarda, de ser o caso á Vicerreitora de Responsabilidade Social, Internacionalización e Cooperación para a súa publicación.

As persoas interesadas poderán entender desestimadas as solicitudes de non se ditar resolución expresa no prazo de 5 meses contados desde o día seguinte ao do remate do prazo de presentación de solicitudes.

A resolución conterá a listaxe definitiva de persoas beneficiarias das axudas e a súa contía, a listaxe de solicitudes denegadas e a causa de denegación, e a listaxe de agarda para o caso de existiren renuncias.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses contados a partir do día seguinte á súa publicación, de conformidade co disposto na *Lei 29/1998, do 13 de xullo, reguladora da xurisdición contencioso-administrativa*.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte á súa publicación, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da *Lei 39/2015, do 1 de outubro, do procedemento administrativo común das administracións públicas*.

5. Dotación e pagamento

A Universidade de Vigo consignará a cantidade total máxima de 17.500 € na aplicación orzamentaria 2021ORI1121DORI482.10 para o que se achega o correspondente certificado de retención de crédito.

A contía máxima da bolsa será de:

1 bolsa de 1.500 € destinada ao/á estudante coa nota media ponderada máis alta.

16 bolsas de 1.000 euros por orde de nota media ponderada.

O pagamento da axuda tramitarase unha vez publicada a resolución reitoral coas listaxes definitivas de seleccionados.

Efectuarase mediante transferencia bancaria indicada polo estudantado para participar no programa de intercambio e da que deberá ser titular.

6. Incompatibilidades



A bolsa é compatible con calquera outra bolsa ou axuda obtida para a realización da mobilidade e en concreto coa bolsa do MEFP.

Non será compatible se a estadía se realiza en modalidade virtual e non hai desprazamento ao país de destino.

O importe das axudas en ningún caso poderá ser de tal contía que de xeito illado ou en concorrencia con outras subvencións, axudas, ingresos ou recursos supere o coste da actividade subvencionada segundo establece o artigo 19.3 da Ley 38/2003 de 17 de novembro, General de Subvenciones.

7. Renuncia

As persoas beneficiarias poderá renunciar á axuda.

As renuncias darán lugar á concesión a seguinte persoa da lista de agarda.

8. Obrigas do beneficiario.

O/A adxudicatario/a das bolsa quedará obrigado/a a cumprir coas obrigas que establece a convocatoria de Prazas de Intercambio Propias en países extracomunitarios publicada o 4 de decembro de 2020 e do programa GE4, curso 2021-22 publicada o 24 de novembro de 2020.

A persoa beneficiaria debe de cumprir as obrigas recollidas no artigo 14.1 da lei 38/2013, de 17 de novembro, Xeral de subvencións, que lles sexa de aplicación.

9. Xustificación.

Trala finalización do período de intercambio, deberá achegar a certificación de estadía.

10. Revisión da axuda e perda do dereito de cobro

A concesión desta bolsa pode ser revogada ou declarada a perda do dereito de cobro polos seguintes motivos e suporá que a persoa beneficiaria reintegre as cantidades incorrectamente aboadas:

- Non cumprir os requisitos e obrigas recollidas nas convocatorias de prazas polas que foi seleccionado.
- Non finalizar o cuatrimestre ou o curso completo.
- A ocultación de datos, alteralos ou manipular a información solicitada.
- Pola perda da condición de universitario/a, durante todo o período de goce da bolsa.
- Incurrir nalguna das causas de incompatibilidade que se establecen nesta convocatoria.

9. Transparencia

De conformidade co artigo 17 da *Lei 1/2016, do 18 de xaneiro, de transparencia e bo goberno*, e co artigo 15 da *Lei 9/2007, do 13 de xuño, de subvencións de Galicia*, a Universidade de Vigo publicará na súa páxina web oficial a relación das persoas beneficiarias e o importe das axudas concedidas, así como as sancións que puideren impoñerse, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.



En virtude do disposto no artigo 4 da *Lei 1/2016, do 18 de xaneiro, de transparencia e bo goberno*, as persoas físicas e xurídicas beneficiarias de subvencións están obrigadas a subministrar á Universidade de Vigo, logo de requirimento, toda a información necesaria para o cumprimento por aquela das obrigas previstas no título I da citada lei. Porén, non será necesaria a publicación cando o órgano concedente xulgue que se dan as previsións do artigo 15.2.d) da *Lei 9/2007, do 13 de xuño, de subvencións de Galicia*.

10. Protección de datos

Información sobre a política de protección de datos no [Portal de bolsas](https://portalde.bolsas.es/)

Contra esta resolución, que esgota a vía administrativa, poderase interpoñer recurso perante a xurisdición contencioso administrativa, no prazo de dous meses contados dende o día seguinte á súa publicación, de conformidade co disposto na Lei 29/1998, do 13 de xullo, reguladora da xurisdición contencioso administrativa.

As persoas interesadas poderán optar por interpoñer contra esta resolución recurso de reposición, no prazo dun mes contado a partir do día seguinte á publicación da presente resolución, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producira a desestimación presunta do recurso de reposición interposto, segundo o previsto no artigo 123.2 da lei 39/2015, de 1 de outubro, do Procedemento Administrativo Común das Administracións Públicas.

